



# فكيها شوية

٢

- ٣ ..... مقدمة ♥
- ٥ ..... ليه عمليتي في نفسك كده؟؟؟؟ ♥
- ١٩ ..... هو إنتي مش بنت ؟؟؟؟ ♥
- ٢٣ ..... نلبس إيه ؟؟؟ ♥
- ٤٠ ..... أنا أحسن من غيري !! ♥
- ٤٤ ..... أنا لسه صغيرة !! ♥
- ٤٧ ..... محببة بس إستايل وشيك !! ♥
- ٦٣ ..... مستغنية إيه ؟؟؟ ♥

- جمع وترتيب -

د / مصطفى إبراهيم زايد

رقم الإيداع

٢٠١٣/٥٦٢٢

دار النعيم

للنشر والتوزيع

٠١٠٠٣٤١٨٧٨٤

## مقدمة

بسم الله والحمد لله والصلاة والسلام على رسول الله ﷺ وبعد ..

« تكلمنا بفضل الله ﷻ في الجزء الأول من سلسلة " فكيها شوية " عن مشكلة " كلام الناس " ، وإزاي أصبحت فعلاً من أكبر مشاكل عصرنا ..

☑️ وافقنا إنه مش هيهمنا الناس وكلامهم ، وخلص هيكون شعار حياتنا هو " رضا الله قبل كل شئ " ..

هنخلي رضا ربنا سبحانه وتعالى مُقَدَّم على أي شئ في حياتنا .. ولو ربنا سبحانه وتعالى رضي عنا ، فده غاية أمانينا وأحلامنا في الدنيا كلها ..

« وبإذن الله هنكمل كلامنا في الجزء الثاني والثالث ، وهنعرض بعض كلام الناس وشبهاتهم ، ونحاول نرد عليها بإذن الله ..

« وقبل ما نبدأ .. خليكي فاكدة إنك طول ما إنتي عايشة هتشفوفي وهتسمعي العجب العجاب من الناس! ولكن زي ما قولتلك ، طالما إنتي عارفة ومتأكدة وواقفة إنك صح بفضل الله ، فإوعي تلتفتي لأي كلمة من كلامهم ، وكملّي في طريقك ، ومتخليش أي شئ يآثر فيكي ولا يعطلك عن طريق ربنا ؛ طريق الجنة ..

« وزي ما قولتلك قبل كده برده ، خليكي فاكدة إنه:  
 « ( لا يهزم صاحب اعتقاد أبداً )

فلو الكون كله وقف ضدك ولكنك ثابتة وعلى يقين بوعد ربك ؛ مش هيقدورا يزحزحوا إيمانك ولا يآثروا فيكي مهما عملوا. فحذدي أهدافك واجتهدي لتحقيقها وإوعي تتنازلي عنها أبداً مهما حصل ..

« وأنا حبيت أعرض بعض كلام الناس وأرد عليه علشان ميفاش فيه شك أو ريبة جواكي من كلامهم وشبهاتهم ، وكمان علشان البنات اللي بتقول ببقي نفسي أرد على الناس اللي بيقولوا الكلام ده علشان يعرفوا إني مش غلط أو علشان أوضلهم المسألة دي يمكن حد يقتنع وربنا يهديه ..





✓ **وده برده مش كلامي .. ده كلام ربنا ﷺ :**

**قال الله : { يَا أَيُّهَا الَّذِينَ ءَامَنُوا اسْتَجِيبُوا لِلَّهِ وَلِلرَّسُولِ إِذَا دَعَاكُمْ لِمَا يُحْيِيكُمْ } الأنفال: ٢٤**

◀ يعني إيه الآية دي ؟؟؟؟

◀ يعني إنتي بدون الاستجابة لأوامر ربنا **ميتة** !!

◀ من غير الصلاة **ميتة** !! من غير القرآن **ميتة** !!

◀ إنتي من غير حجابك الشرعي **ميتة** !!

♥ **و اللي هيحيكي ويعيشك أحلى حياة بجد**

**هو التزامك بأوامر الله وبعديك عن نواهيه** ♥

✓ **قال الله تعالى :**

{ أَوْ مَن كَانَ مَيِّتًا فَأُحْيَيْنَاهُ وَجَعَلْنَا لَهُ نُورًا يَمْشِي بِهِ فِي النَّاسِ كَمَن مَّثَلُهُ فِي الظُّلُمَاتِ لَيْسَ بِخَارِجٍ مِّنْهَا }

✗ الإنسان اللي بيعصي ربنا ومش عايز يتوب ما هو إلا **إنسان ميت** ، دافن نفسه في **ظلمات المعصية** !! ومش هيخرج لنور الحياة غير لما يتوب ويطيع ربنا ويلتزم بأوامره .. ساعتها هيبيكي **اتولد من جديد** ، وهيبدأ يعيش الحياة الطيبة السعيدة بجد ..



✓ **صدقي حبيبك النبي ﷺ اللي يقول :**

**( تعيس عبد الخميصة ، تعيس وانتكس )** رواه البخاري

**الخميصة : الثياب ، تعيس : يعني هيعيش تعيس !!**

◀ **فد اللي هتعيش أسيرة لشهواتها .. اللي بتقول :**

مش هقدر أغير لبسي !! مش هقدر أبطل ميك أب !!

مش هقدر أسيب الأغاني والمسلسلات !! مش هقدر

أبعد عن الشباب اللي بحبه !! أنا بحب الحاجات دي

ومقدرش استغنى عنها ومش هقدر أغير حياتي !

◀ **هقولها : والله العظيم هتعيشي تعيسة !!**

◀ **وده مش كلامي ! ده كلام حبيبك النبي ﷺ الذي لا**

**ينطق عن الهوى ( تعيس عبد الخميصة )**

◀ **واللي بيقولولك لو التزمتي هتدفعني نفسك دول والله**

**مساكين !! لأنهم لو جربوا طعم الإيمان ولذة الطاعة**

**كانوا عرفوا ساعتها مين اللي عايش ومين اللي ميت !**

◀ **لازم تتيقني يا أختي إن اللي بيعصي ربنا هو اللي**

**بيدفن نفسه بيده باستمراره في المعاصي وعدم التوبة!!**



▶ **وهتلاقى يا أختي ناس في أول التزامك بيقولولك :**

**إيه ده ؟؟ إيه اللي إنتي لابساه ده ؟؟؟ إيه اللي**

**دخلك السكة دي يا بنتي ؟؟؟ إيه اللي إنتي عملتيه**

**في نفسك ده ؟؟؟ إنتي بقيتي من الناس دي ولا**

**إيه؟؟ إيه ده مين اللي لعب في دماغك وخللكي**

**تعملي كده؟؟ الاخوان ؟؟ ولا السلفيين ؟؟؟ أكيد**

**حد من المتشددين عمك غسيل مخ وقالك إن**

**حجابك غلط ولازم تغيريه والبناطيل حرام والمكياج**

**حرام وسمعوكي "الكلام الحمضان" و "الاسطوانة**

**المشروخة" اللي حفظناها خلاص !!!!**

◀ **هقولك :**

رُدِّي وقوليلهم إن كلام ربي حبيبي وكلام رسولي ﷺ

نور عيني هو اللي دخل دماغي وعملي غسيل مخ !

لما أقرأ مثلاً حديث النبي ﷺ :

( **إن أهون أهل النار عذاباً يوم القيامة لرجل ،**

**توضع في أخص قدميه جمرة ، يغلى منها دماغه )**

متفق عليه



◀ **شوفي حديث النبي ﷺ اللي يقول فيه :**

**[ مثل الذي ينكر ربه والذي لا ينكر ربه مثل الحي والميت ]**

متفق عليه

◀ **وشوفي كمان قول الله تعالى :**

{ وَنَفْسٍ وَمَا سَوَّاهَا ﴿٧﴾ فَأَلْهَمَهَا فُجُورَهَا وَتَقْوَاهَا ﴿٨﴾

قَدْ أَفْلَحَ مَن زَكَّاهَا ﴿٩﴾ وَقَدْ خَابَ مَن دَسَّاهَا ﴿١٠﴾ } القصص: ١٠

✓ **"قد أفلح من زكَّاهَا"** يعني قد فاز من زكى نفسه

وأناها وأعلاها بالتقوى وطاعة الله ..

✗ **"وقد خاب" يعني قد خسر "من دسَّاهَا" :** أي

أخفاها ودفنها ولم يرفعها بالطاعة والعمل الصالح ..

◀ **عرفتي دلوقتي مين اللي عايش حياته**

**وشبابه بجد ومين اللي مش عايش ؟؟؟!!**

◀ **عرفتي دلوقتي مين اللي دافن نفسه**

**بجد ؟؟؟!!**

◀ **عرفتي دلوقتي مين الحي ومين**

**الميت ؟!!**





«والي هيقولوك : هيجلك عدوك من المنتقبات وتبقي زيهم !! أصل المنتقبات دول إرهابيين !!!! وبيوتهم مليانة أسلحة وسيوف !! وبيقولوا كل حاجة حرام ، الكمبيوتر حرام والت حرام والخيار حرام والكوسة حرام :) وحياتهم كلها نكد×نكد وجحيم!

«رُدِّي وقوليلهم :

الكلام ده على أساس إنهم عايشين على كوكب تاني غير كوكبنا !!! ما كلهم عايشين وسطنا وبتعامل معاهم عادي جداً .. والمنتقبة دي إنسانة عادية جداً .. كائن حي والله :) .. بتاكل وتشرب وبتحس وبتزعل وبتفرح وبتتعلم وناجحة ومتفوقة ، وكمان بتعرف تشتغل على الكمبيوتر كويس وبتدخل نت وبتصمم فوتوشوب وفلاشات ، ومش بتحب الاكتاب ولا التعقيد وعايشة حياتها ومستمتعة بيها في طاعة الله ..

♥ الفكرة إنها شايفه نفسها غالبية أووووووي ، وحب ربنا ملا قلبها ، قلبت اللبس اللي يقربها من ربها ويحافظ عليها .. لأنها جوهره و الجواهر مش أي حد يوصلها ؛ صح و لا إيه ؟؟؟؟؟؟

«والي هتقعد تقرفك في عيشتك وكل ما تشوفك تقولك : ده أنا شوفت امبارح واحدة منتقبة بتعمل حاجات متقالش !! وقريت في الجرايد إن واحدة منتقبة عملت كذا وكذا ، والمنتقبات كلهم نصايين وأخلاقهم سيئة جداً وبيستتروا تحت النقاب !!!

رُدِّي وقوليلها : حتى لو افترضنا إن الكلام ده صح ، فكل فنة فيها الكويس وفيها الوحش ، والأشخاص مش حجة على الدين ! وأنا مليش دعوة بأي حد تاني ..

أنا قدوتي رسولي ﷺ وزوجاته أمهات المؤمنين .. وكل واحد هيتحاسب عن نفسه .. قال الله تعالى :

{ يَوْمَ تَأْتِي كُلُّ نَفْسٍ نَجْدِلُ عَنْ نَفْسِهَا وَتُوَفَّى كُلُّ

نَفْسٍ مَّا عَمِلَتْ وَهَمْ لَا يُظْلَمُونَ ﴿١٠١﴾ { النحل: ١١١

«ولو واحدة من صحباتك قاتلك : إنتي مزهقتيش ؟؟ مفكرتيش تقلعي النقاب بقي ؟؟؟؟ !!!

رُدِّي وقوليلها : وإنتي مفكرتيش تلبسي النقاب بقي؟

مفكرتيش تقربي من ربنا وتدوقي لذة الإيمان ؟؟؟ مفكرتيش تجربتي إحساس إنك ماشية ملكة وقلبك طابير في السما من السعادة ومحدث شايفك غير ربك ؟؟

وبعدين راجل راجل .. محدش له دعوة ، ده حتى إحنا عندنا أزمة في سوق الرجالة اليومين دول : ((( !

«وبنت بتقول :

أصحابي دايمًا ييقولوا عليا إني راجل ! آه والله !!!! بالرغم من إني عندي أثوثة طاغية :)) ، بس علشان أنا محافظة على نفسي ومش برضى أكلم ولاد ولا أهزر معاهم زي البنات وكده بقيت مسترجلة وناقصي شبات :((( ، وبقي عندي حالة نفسية خطيرة محتاجة علاج سريع قبل ما تدهور :(((

وأصحابي في الكلية ييقولولي إن فيه واحد زميلنا على طول مركز معاكي ويبص عليك ، وشكله معجب بيكي ، لازم تحسسيه بمشاعرك وكده ، لازم تروحي تكلميه أو على الأقل تبادلبيه النظرات والإعجاب !! هو إنتي مش نفسك تحبي وتتحملي زي كل البنات ولا إيه ؟؟؟ !!!

«هقولك : رُدِّي وقوليلهم أنا مش زي كل البنات !!

هو إنتي مش بنت ؟؟!

«بنت بتقول :

أنا بقيت مش بنت في وجهة نظر أصحابي علشان مش بلبس زيهم ولا بكلم ولاد زيهم ولا بعمل زيهم وأبقى free وأعيش حياتي !!

وأول ما اتخطبت ، الناس كلها نزلت زن على وداني يا بنتي اعلمي حواجبك ، لازم تعلمي ميك أب محترم ، يا بنتي لازم تلبسي استايل وشيك ، يابنتي الراجل مش هيتجوز صاحبه :((( ، الراجل ايز أنثى !!!! وكل شوية يقولولي هو إنتي مش بنوثة ولا إيه ؟؟ إنتي هتبقى بنت زينا إمتى ؟؟؟ !

«هقولك : رُدِّي وقوليلهم أنا بإذن الله عمري ما هبقى بنت زيكم ! أنا عايزه أبقى بنت زي أمي خديجة وعائشة وزينب وصفية وجويرية رضي الله عنهن جميعاً ، عايزة أكون زيهم في حجابهم وحياتهم وأخلاقهم وعلمهم وطاعتهم لربهم .. تقولوا راجل تقولوا شبات مش هتزعزع أبداً عن ديني ومباندني !!





واللي عابزني بجد يدخل البيت من بابه ، وباب بيتنا مفتوح للجميع وبابا وماما موجودين :

- وأنا عمري ما هغضب ربي وأرخص نفسي .. وهحفظ نفسي وقلبي لزوجي وبس .. ويكفيني إن قلبي فيه أعظم حب في الدنيا .. "حب الله" ..

✪ **أنا بنت أه ..** ونفسي أخرج وأروح رحلات مع أصحابي وألعب وانتظ وأرقص زي ما الكل بيعمل ، بس يرجع وأفكر إنى مش أى بنت !! أنا بنت مسلمة ومتأكدة إن السعادة الحقيقية في طاعة الله ، فمش هروح استمتع شوية وقت بمعصية ربنا ، وأرجع أعيش الحياة الكئيبة طول الوقت بسبب ذنوبي !!!

فأنا مش بنت عادية زي أي بنت!  
أنا بنت مسلمة ، هدفها هو  
رضا الله وبس ..



✪ **أنا بنت أه ..** ولما بقف قدام المرآة بحس بأنوثتي وجمالي ، ولما بشوف البنات لابسة ضيق واستايل وظاهرة مفاتها والكل ببص عليها ومعجب بيها بيبقى نفسي أظهر جمالي زيها والناس تبصلي زيها ، بس يرجع وأفكر إنى مش أى بنت !! أنا بنت مسلمة ورضا ربي حبيبي عني هو أهم شئ في حياتي كلها .. وأعجابي بنفسي وجمالي مش هيكون سبب أبداً إنى أعصي ربي وأفرط في حجابي الصح اللي أمرني به!

✪ **أنا بنت أه ..** وكل مرة أخرج من الكلية بتاعتي وأشوف زميلتي وصاحبها اللي مستنيها علشان يتمشوا سوا ويعيشوا لحظات رومانسية ، بيبقى نفسي أعيش اللحظة زيها ، بس يرجع وأفكر إنى مش أى بنت !! أنا بنت مسلمة .. والمسلمة غالية أوي مش رخيصة .. وديني وحياي بيمنعوني من إنى أدخل في أي علاقة مع أي شاب .. لا كلام ولا سلام ، ولا حتى نظرات !



## نلبس إيه ؟؟!

✪ **بنت بتقول :** كل ما أكلم أصحابي عن اللبس ، يقولوا إحنا هنلبس "اللبس العادي" اللي هو فيست وبدي وبنطلون ، عايزة تلبسي محترم زيادة براحتك ، فأنا محتارة ألبس عادي ولا محترم ؟؟؟!!

✪ **هقولك :** ومين قال إن اللبس العادي "عادي" ؟؟؟!

هو عادي أه ، بس يي نظر بعض الناس ويس !!  
إنما عند ربنا فهو تبرج ومعصية لله !!!

✕ وللأسف الناس من كتر ما هما شايقين البنات بقوا يلبسوا بالمنظر ده، بقوا يقولوا إن ده العادي والطبيعي وده التطور والجيل الجديد كله كده !! ولكن التبرج في حكم الدين والشرع كبيرة من الكبائر ، وعقوباته والعياذ بالله خطيبيرة جداً زي ما ذكرنا في كتاب (للبنات وبس) .. فمفيش حاجة اسمها عادي ومحترم!

✕ إحنا مرجعيتنا : ربنا أمر بإيه ؟؟  
♥ وعلى طول نقول : سمعنا وأطعنا ..



✪ **وبنت بتقول :** أصحابي يقولوا إنتي بنت !! ولازم تعيشي فترة مراهقتك مع شاب وتفرغي عاطفتك معاه لأن دي مرحلة مفروضة عليك ولازم تعيشيها علشان تأهلي نفسك لحياة الجامعة ومتكبتيش مشارك ، وإلا هتفجري وتحرفي بعد كده !!!!

✪ **هقولك :** رُدِّي وقوليلهم إن المراهقة زي أي فترة من فترات عمرنا .. النفس فيها لها شهوات ، ولكن إحنا هنا في الدنيا في إمتحان .. إمتحان هل هنتبع شهواتنا ونسمع كلام الشيطان ، ولا هنتبع ربنا ونصبر شوية في الدنيا علشان نفوز بالجنة ؟؟

✕ قال الله تعالى : { الَّذِي خَلَقَ الْمَوْتَ وَالْحَيَاةَ لِيَبْلُوَكُمْ أَيُّكُمْ أَحْسَنُ عَمَلًا } [المك:٢]

♥ فسيبوني أعيش مراهقتي زي ما عاشها البنات الصالحات .. وهنفجر وانحرف ، بس هنفجر في طاعة الله ، وانحرف لحب الله ورسوله ﷺ ..  
إيه رأيكم تحرفوا معايا ؟؟؟ :

























**هتقولي : بس بصراحة كده أنا لو لبست اللبس الواسع ده أو محطيتش ميك أب ، ثقتي بنفسي بتقل أوووووووووو وبكتتب مووووت و مبقاش عاوزة أخرج ولا أعمل أي حاجة !!**

﴿هقولك : كل ده لأنك للأسف لسه حاطة كلام الناس ورضاهم قدام عينك !! فلازم هتبقى مش واثقة من نفسك وخايفة لحد يعلق على لبسك أو يتريق عليكى !!

✓ يا أختي خلّي ثقتك من جواكي من نفسك ومن إيمانك بالله والتزامك بأوامره مش من الناس ..

✓ ملكيش دعوة بكلام الناس طالما إنتي صح ..

وزي ما الناس بيقولوا ( **واتق الخطوة يمشي ملكاً** )  
✓ خليكي دائماً واثقة من نفسك ومن تصرفاتك بغض النظر عن كلام الناس ونظراتهم وتلميحاتهم ..

✓ والمفروض إنك تحسي إن ثقتك بنفسك زادت بعد تغيير لبسك .. **عارفة الملكة اللي بتلبس تاج ؟؟؟**

**هل بتكون مكسوفة منه ولا بتكون فخورة بيه ؟؟؟!**

- أهو إنتي بالظبط بحجابك ولبسك الواسع لابسه تاج ولازم تمشي مرفوعة الرأس وفخورة بنفسك وإنتي مُعززة بإيمانك وجهادك لشهواتك وطاعتك لربك ..

**هتقولي : طيب بالنسبة للمكياج، الناس كلها بتقولي وشك من غير ميك أب باللي ااهتت أوي وعاملة زي اللي عندها أنيميا حادة ، مفيش مشكلة لما تحطي شوية ميك أب خفيف كده على الماشي ، وده مش حرام!! الحرام هو الميك أب الثقيل اللي بيغير ملامح الوش !!**

﴿هقولك : مفيش حاجة اسمها مكياج ثقيل وخفيف !! كل المكياج وإنتي خارجة من البيت حرام!!!!!!!!!!!!!!!!!!!!!! ،

✓ ولو عايزة وشك ينور بجد ، التزمت بطاعة الله والصلاة والحجاب الصح ، وابعدي عن معصيته وهتلاقي نور الطاعة منور وشك بفضل الله ..

◀ سيدنا ابن عباس رضي الله عنه قال :

**[ إن للحسنة نورا في القلب ، وضياء في الوجه ، وإن لسيئة ظلمة في القلب ، وغبرة في الوجه ]**

◀ وربنا صلى الله عليه وسلم قال عن المؤمنين :

( **سيمَاهُمْ في وجوههم من أثر السجود** ) الفتح: ٢٩

♥ **ناس وجوههم منورة بنور الإيمان من غير مكياج ولا أي شئ، ناس تفرحي لما تنظري لهم وقلبك يسعد برويتهم .. ربنا يجعلك وبنات المسلمين منهم يارب..**

## مستنيه إيه ؟؟؟!

﴿ **وقبل ما أختم كلامي ..** هذكرك مقولة لأحد أشهر مغنيات الراب في فرنسا والعالم ، المغنية ميلاني جورجياس الشهيرة بـ "ديامس" .. بعد ما أسلمت بفضل الله ارتدت الملحفة والحجاب الشرعي كاملاً ..  
- وقالت في حوار مع أحد القنوات الفرنسية :

**[ بعدما أسلمت وقبل أن أردتي الحجاب ، كنت أسأل نفسي هل سأستطيع فعلاً وضع غطاء الرأس هذا ؟؟ لكن في مرة من المرات ، كنت أمشي وحيدة على شاطئ البحر ، وتساءلت : إن الذي خلق البحر والشمس هو من أمر بارتداء الحجاب ، فكيف أعصيه ؟؟؟! ومباشرة قررت ارتداء الحجاب ]**

♥ سبحان الله !! لسه داخلة في الإسلام ، ومع ذلك مش قادرة تعصي ربنا وتقول : **[إزاي أعصيه ؟؟؟!]**

◀ وأنا عايزك تقولي لنفسك نفس الكلام يا أختي :

♥ **كيف أعصيه وهو خالقي ورازقي وحببي؟!!**

**هتقولي : بس إنت كده عقدتها على الياااااااا آخر !! وخليتني أحس إني "حاجة وحشة أوي" ولازم تتداری!! وهتخليني بالكلام ده أندم على إني طلعت بنت ؟؟؟!**

﴿هقولك : وليه بتبصليها من النظرة الدونية دي ؟؟؟

﴿ **ليه متقوليش إنك حاجة حلوة أوووي ورقيقة أوووي وغالية أوووي ، وربنا أراد بأمرك بالحجاب ده إنه يحفظك ويصونك من النظرات المسمومة من مرض القلوب وذئاب البشر، ويقطع عنك الأطماع المسعورة من اللي عايزينك تكوني سلعة يتاجروا بيها في الاعلانات والأفلام والكليات وكل من هب ودب ياخد منك اللي يشبع غريزته !!!!**

﴿ **وأنا والله مش بعقدها ولا حاجة ، ليه فاكدة إني عايز أعقدك ؟؟؟؟ هو أنا هستفيد منك إيه ؟؟؟!!!!**

◀ وأنا مش بجيب حاجة من عندي .. كله زي ما إنتي شايغة من كلام ربنا وكلام حبيبنا النبي صلى الله عليه وسلم ..

وأنا أخوكي ولازم أنصحك وأخاف عليكى .. والله خايف عليكى ويحب الخير ليكي زي ما بحبه لنفسي بالظبط ، ونفسي تعيشني أحلى حياة بجد ..



❖ **هستحلفك بالله .. بالله عليكي بلاش تسويف وياللا**  
 خدي قرار التغيير من دلوقتي .. **إنتي مستتية إيه ؟؟**  
 ✓ ده ربنا بفضله وكرمه ورحمته **هيقبلك ويغفرلك ..**  
 ✓ ومش كده وبس ؛ **ده كمان ربنا هيفرح بتوبتك ..**  
 ✓ ومش كده وبس ؛ **ده ربنا كمان هيبدل كل سيئاتك**  
**حسنات بفضله ورحمته .. قال الله تعالى :**

{إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ  
 اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا} التورقن: ٧٠

« **بس إنتي خدي القرار فوراً ..** ومنتدش أي فرصة  
 للشيطان إنه يرجعك ويبعدك عن طريق ربك ..  
 « **ربنا عز وجل بيقول :**

{وَأَنْ اسْتَغْفِرُوا رَبَّكُمْ ثُمَّ تُوبُوا إِلَيْهِ يُمَتِّعْكُمْ مَتَاعًا حَسَنًا}

هود: ٣

❖ **المتعة الحقيقية في التوبة والرجوع إليه ..**  
**والحياة الطيبة السعيدة مش هتلاقها إلا في رضاه ..**

أحلى حياة في طاعة الله

[www.goodwayinlife.com](http://www.goodwayinlife.com)